

紫八



王梅溪詩集下
白玉蟾詩集上

王梅溪詩集

宋王十朋

龜齡甫

明潘是仁

訥叔甫

五言絕句

九日寄昌齡弟

憶昔逢重九登臨不憚遙弟兄同把酒行樂興飄飄

去歲重九日吾親窀穸期東籬自黃菊淚眼可曾

知

此日黃花酒深期酌弟兄誰知有離別西望不勝情

我有茱萸泝遙同輞川底登高少一人又是王家弟

嘉節苦難遇故山隨俗登未能如鄭谷一榻對高僧

白石登山客新詩句必豪寧容杜陵老獨步玉山高

我思雁潭游欲與雁行去羽翼本天生誰能令分兩

處

樂事苦無多良辰豈長見明年綴席時要使茱萸

徧

庭前有晚菊青蘂未堪插開日卽重陽歸來酒同

呷

載酒觴黃菊登山臂紫茱重修汝南事災厄自今

無

老去悲秋甚興來聊自娛明年知健否子細看茱

萸

窮途嗟我衰中歲傷兒大兄弟止三人尊前豈宜少

嗅菊謾勞三賜莫安得一聊分故園枝不負重陽日

節物豈不好吾家何太貧一尊聊爾寄重意媿先人

淵源堂十二詩

淵源堂

像貌崇賢聖名言訓子孫日親師與友力學探淵

源

細論堂

不飲紅裙酒祇將文字論江東渭北客日日對芳尊

宜桂軒

主人端不俗景物亦相宜手種軒前桂聯芳共幾枝

蘊秀軒

剡溪蘊秀異久鬱少陵詩今向軒前看人如晉宋

時

同襟館

安道家何處溪山深更深扁舟不憚遠得得訪同襟

富學齋

金玉本非富詩書元不貧平生用無盡學問在吾身

輝聲齋

功名就烜赫遺訓可能忘待獻明光賦蜚聲滿四

方

集彥齋

獨學恐孤陋要須親友朋虛齋集邵彥共對短燈檠

擢秀齋

好似東山謝滿庭芝與蘭義方能不倦擢秀固非難

恢義齋

憶昔社陵老恨無千萬間君能恢大義吾黨悉歡

顏

蘭馨室

一室雖方丈游從必舜徒芬馨不自覺身化與之俱

足鯉池

堂上論文客異時還索居池中鯉魚足好寄別來書

書院雜詠

牡丹

今古幾池館人人栽牡丹主翁兼種德要與子孫看

芍藥

已過花王候纔聞近侍香來遊禁酒地免作退之狂

岩桂

岩桂何時種遙聞月窟香君家似燕寶會見五枝芳

江梅

三才圖會卷五
五
園林盡搖落冰雪獨相宜預報春消息花中第一
枝

酴醿

日烘香倍遠雨浥韻尤清誰把玉錢比恐花羞此
名

紅梅

桃李莫相如天姿元不同猶餘雪霜態未肯十分
紅

海棠

欲與春爭媚嫣然一笑芳雨中如有恨疑是爲無
香

瑞香

曾入江南夢故宜名瑞香何人好談瑞雅日誤更
張

菊花

不恨開時晚自知能傲霜慎母同瑣細采擷上君
堂

蠟梅

非蠟復非梅
梅將蠟染腮
游蜂見還訝
疑自密中來

榴花

客館逢重午
石榴花正芳
吾廬開亦好
歸去嚼天漿

簷蔔

禪友何時到
遠從毘舍園
妙香通鼻觀
應悟佛根源

千葉黃梅

菊以黃為正
梅惟白最佳
徒勞染千葉
不似雪中花

千葉紅桃

在處飄紅雨
臨窓照夕陽
何時清禁裏
一笑伴仙郎

千葉白桃

豈有天桃艷
淡然羣卉中
全身是清白
那肯媚春風

佛見笑

學得醄醄白更能相繼芳金仙粲然笑鼻觀不多香

荷花

十里西湖上紅雲照綠波何如吾淨友臭味不須多

蓼花

秋色在何許蓼花含淺紅客情禁不得歸興逐西風

萱草

有客看萱草終身悔遠游向人空自綠無復解憂

憂

斑竹

蒼梧巡不返斑竹至今存今日稽山下幾枝忠孝痕

燕竹

問訊東墻竹佳名今始知龍孫初迸日燕子却來時

西河柳

瀟洒西河種誰移向浙東青枝太纖細莫近楚王宮

葡萄

珠帳臨簷掛龍鬚滿架抽也知堪釀酒不要博涼

州

芭蕉

草木一般雨芭蕉聲獨多主人栽未足其奈客愁

何

石菖蒲

天上玉衡散結根泉石間要須生九節長為駐紅

顏

慎火草

禁殿安蚩尾騷人逐畢方如何栽此草有火自能

防

盆中新荷

首夏盆池裏新荷點數圓主人行中選故為作青

錢

假山

君有好山僻疊山亭院間不遮山外眼又得見真山

盆池

不比兒童戲埋盆作小池要令盆底水長滿不傾歆

書架

君富端不俗有錢長買書家藏三萬軸不怕腹空虛

鶴

雅志有冲霄長思振羽毛風前忽相和聲徹九天高

鵝

善鳴聊自適不願遇知音深恐山陰媼誤猜君子心

花鴨

毛羽不多異浪於花得名深疑杜陵誤黑白未分明

鴻鵠

文采真為累飛鳴不自由小池新水漲相對謾沉
浮

剡溪雜詠

剡溪

千古剡溪水無窮名利舟閑乘雪中興惟有一王
猷

了溪

禹迹始壺口禹功終了溪餘糧散幽谷歸去錫玄
圭

挾溪亭

遠水從台發同歸古嵯州魏亭壓山頂千古挾
流

龍宮碑

曾到龍宮寺拂塵觀古碑何時無短李肉眼可能
知

戴顒墓

曠野冢累累子孫猶不知千年戴顒墓三字道旁
碑

阮仙翁宅

再入山中去烟霞鎖翠微故鄉遺宅在何日更來
歸

戴溪亭

剡水照人碧剡山隨眼青我來非雪興慙上戴溪
亭

偃公泉

泉自何時有得名從偃公誰能繼張陸爲載水經
中

予有書閣僅容膝東有隙地初甚荒蕪偶於
暇日理成小園徑以過之杖藜日涉於其間
幾欲成趣然花木蕭疎不足播之吟詠謾賦
十一小詩以記園中之僅有者時甲戌仲冬
也

小小園

預作休休計先開小小園杖藜成日涉得趣與心

論

便便閣

一閤僅容膝閉門塵慮捐讀書心已懶高臥腹便

青青徑

小徑循園闢青青草色都主人猶未仕時得理荒

蕪

娟娟林

遶舍種修竹清風長蒲筵天姿本來淨不雨亦娟

娟

揚揚晚

九畹何人種光風泛國香林間今幾許鼻觀日

揚

鮮鮮砌

吾圃豈不富黃金無數錢誰云何用好霜裏自鮮

鮮

牡丹

人道此花貴豈宜顏巷栽春風情不世紅紫一般

開

芍藥

十花稱近客，千葉重維揚。世上無姚魏，還他霸衆芳。

早梅

北陸寒未半，南枝春已回。方於雪中種，便向雪中開。

雙竹

本是一根出，相期同化龍。慎毋輕剪伐，雲路定相從。

紫微花

盛夏綠遮眼，茲花紅滿堂。自慙終日對，豈是紫微郎。

題佛閣三絕

佛閣閱人久，儒官涉世疎。伽藍真長者，容我半年居。

桑下不三宿，閣中經半年。青山滿庭戶，雖好莫留連。

靈運本狂客，偶來蓮社遊。鍾魚聽已厭，歸去故園休。

率飲亭二十絕

吾門非北海安得客滿坐有亭名率飲鄰里日相過

蒼頭稍知耕赤脚頗能釀有田俱種秫我日坐亭上

幽亭闕方丈修竹種千百有時人不來影月為吾客

富貴有天命安貧士之常聊為真率飲未用利名忙

老去識交情興來懷酒伴山林車馬稀風月壺觴

滿

文舉客滿坐淵明酒盈尊雖無古高躅妙意亦常

存

文字粗能飲聖賢時復中林間十二子賓主自清

風

富飲不解文翁意非在酒三盃聊遣興一醉豈緣

口

我游醉鄉中常在軟飽後誰修醉鄉記添我姓名

不

吾家數兄弟薄有古人風生計何曾足酒盃無日
空

右十絕書于左墻以坐上客常滿尊中酒不
空爲韻

我性野而率山林謾求安有酒固可樂無酒亦自
寬

亭上可率飲林間宜率吟每於詩酒裏寓我率然
心

結交雖不泛絕物亦何曾莫問親踈客過門無不
應

交游聚散中身世浮沉裏觀書悟昨非把酒知今
是

有酒或無客有客或無酒何時此亭中客酒兩常
有

是非何足論詩酒謾消遣但把無它腸聊爲在家
善

燈火散交游園林寄幽興萬事付無心隨緣不求

勝

心向靜中求身宜閑處著閭已號便便亭宜名莫

莫

吾家老兄弟杖屨日相過對酒歡無限論詩味更

多

有口但飲酒無悰亦作詩它年宦南北還憶在家

時

右十絕書于右牆以寬心應是酒遣興莫過

詩為韻

登姚奧嶺望家山有感

昔年度茲嶺回首念慈親如今望雲處惟有淚沾

巾

王梅溪詩集

宋王十朋 龜齡甫 著

明潘是仁 訥叔甫 輯校

七言絕句

樂清僧寮有過客錢之翰題二絕有傷時之
嘆因次其韻

終日傷心淚濺花干戈滿眼恨無涯衣冠南渡如
東晉安得車書混一家

功名誰復漢嫖姚壯士逢時豈憚勞半夜飛來看

寶劔此身端許擲鴻毛

和劉方叔溪上一絕

杖屨徘徊駐碧溪
遙看飛瀑下崔嵬
乘槎欲訪吹簫客
煙草茫茫沒舊堤

和懷孫子尚二絕

澤國蕭蕭晚吹涼
東籬黃菊爲誰香
故人一別路千里
夜雨何時更對床

記得年時訪我游
壁間文字數行留
溪山風月依然好
不對芳尊又一秋

次韻潘先生寒食有感

花媚韶光柳弄煙
簫聲處處賣花天
誰知子厚懷桑梓
北望長號又一年

無賴楊花趁暖風
旅中節物與愁逢
一聲杜宇啼春怨
知在花梢第幾重

人間寒食幾經年
甲子誰能記後先
且盡一杯藍尾酒
莫將身事惱生前

次韻萬喬年李唐英二絕

七賢林下共忘機
更有新詩爲發揮
竹葉一尊添

逸興薰風吹散臉紅微

蠻舍炎炎畏日長竹亭取次納新涼文章風月須
兼美莫使時人恨海棠

送茹生履

燈火勤勞覺瘦生望雲心斷涕從橫賢關春信無
多日手折梅花贈子行

觀石佛

土木塗金巧逼真總隨浮幻化埃塵何人着意鑿
山骨長現金剛不壞身

戴溪亭

高士逃名隱此溪凭欄遐想獨徘徊不知吾祖乘
舟後得得誰從雪裏來

題靈峰三絕

家在梅溪水竹間穿雲蠟屐可曾閑雁山新入春
游眼却笑平生未見山

洞中大士半千身住世端能了世因應笑玉簫峰
下客馬蹄長踐利名塵

三宿靈峰不爲禪茶甌隨分結僧緣明朝杖屨丹

丘去帶得烟霞過海船

關嶺遇雪

路近剡溪春雪深此行有媿子猷尋驅馳千里爭
蝸角孤負扁舟自在心

過鑑湖

誰把青銅鑄鑑湖湖光冷浸越王都東風二月西
游客買得扁舟入畫圖

月夜獨酌

月色撩人不忍眠杖頭獨掛百青錢一杯竹葉那

能醉澆起鄉心更黯然

再過鴈山三絕

大龍湫

龍大那容在此湫銀河得水為飛流好乘風雨昂
頭角直到天池最上頭

天柱峯

女媧石爛若為修四海咸懷杞國憂誰識山中真
柱石擎天功業勝伊周

天聰洞

重華疑到此山中鑿石疏岩達四聰端爲草茅憂
世士不教無路獻孤忠

思歸

窻外西風竹數竿秋聲終夜趁歸鞍吾廬此去八
百里歸到家時天未寒

戊辰閏八月歸自臨安觀舊題脩竹黃楊丁
香慨然有感復書三絕于後

吾家風物富檀欒最愛青青耐歲寒千里歸來面
蒼玉不煩時復報平安

同日種松今合抱後來栽柳已參天笑看軒外
揚樹我亦如君厄閏年

蕙蘭憔悴菊萎秋葉底藏春已數頭詩客不知花
韻別却言空結雨中愁

次夜予宿湖南夢齡猶在別業再和前韻寄
之

家世衣冠誤襲儒年幾四十尚巖嶇管管世事何
時了乞取湖邊作鑑湖

一襟秋色已淒然雲水初空眼界田那更蕭蕭風

雨夜弟兄分影隔湖眠

宿靈山院

靈山未是別鄉山回首吾廬咫尺間
明日出山家漸遠鄉心從此上愁顏

與萬先之登丹芳巖路人有手持桂花者戲
覓之慨然相贈且言欲施此花久矣又言花
名秋香一名十里香遂與先之分之記以一
絕

携手丹梯語話長不知身到碧雲鄉
行人相見如

相識贈得岩花十里香

題石梁

蕩中天柱見已久山外石梁今始觀
尊者力能回造化會須移向柱頭安

過雁山

清秋天氣過山中征雁行人路不同
從此又勞千里翼傳書來往浙西東

次先之過雁山韻

雲山繚繞幾千重撩我秋來逸興濃
欲向靈岩移

卓筆與君同掃萬人鋒

過仙人渡

此去神仙路不迷直從洞口到挑溪
仙人心境無名利笑我頻年渡此溪

關嶺旅邸觀林同季野去秋題壁

去歲還家秋正杪今年行役暑初殘
同行壁上留題處特下藍輿子細看

題劉阮祠用過仙人渡韻

澗水桃花路易迷不同人世下成蹊
自從重入山

中去烟雨深深鎖舊溪

十月二十八日母氏劬勞之日也哀痛中書

二十八字


懸弧謾喜生良月看鏡堪嗟已二毛
不見雙親空泣血此生無計報劬勞

過萬橋哭潘先生

投老西游志不成
死生貧賤見交情
江頭昨夜潮聲怒
却爲先生氣不平

夏伯虎贈雙鯉

知我山間久食蔬
逢分七十二鱗魚
不妨時遣長
鬚至要得頻看尺素書



白王瞻詩集目錄

第一卷

五言古詩

臨安天慶陳道士

妾命薄

溪鶴

姚魏堂

秋宵辭

凝翠

少年行

大霄觀風竿軒

瓊姬曲

寒碧

樓前雨霽

戴方游西林

鶴林賞蓮

春日道中

妾命薄

孤鶴辭

黃葉辭

明妃曲

第二卷

七言古詩

梧州江上夜行

積翠樓

孤鴻曲

初至梧州

公無渡河

挹爽

習劔

山月軒

杜鵑行

友人陳標得楊補之

題梧溪

賞梅感興

題潛菴

贈松菴造墨

悲秋辭

周唐輔仙居莊作

浙江待潮

贈玉隆王直

清勝軒夜話

有所思

端午述懷

仙巖行

食生菜

胡東原香錦亭

夜宴清勝軒

僊巖金仙閣

聽猿

一覽亭

題歐陽氏山水後

秋思

希夷堂

第三卷

五言律詩

秋夜

景泰晚眺

十月十四夜

有懷

紅梅

小桃源

八月三十日事

白雲菴

海豐道中

五更解醒梅竹之間

送春

述懷

春日道中

月窻寫悶

舟中遣興二首

第四卷

七言律詩

靖通菴

澹菴

贈慵菴盧副官

贈天台老樊

留別鐵柱宮

無題

泛舟松江

次韻東坡蒲間寺

柳花

賦梅奉呈陳大博

別李仁甫

梅花

巖舟中

山中

謁鵝湖大義禪師

贈相士岳鬼眼

歸鴈亭

脩然軒

謁雩都靈濟大師

早秋諸友真率相聚

清貧軒

乞紙寄諸葛桂隱

春日卽事

假山

天谷菴

怡齋

景泰山送友人

醉中賦別

武昌懷古

南樓

黃鶴樓

赤壁

吳王宮

鸚鵡洲

南浦

贈坦菴告別

寄鄭天谷

題棲雲堂

悠然堂

題甕齋

題淨明軒

陪莊歲寒夜坐小酌

次正簫臺韻

秋日有懷

柳塘送春

不赴宴贈丘妓

繡香亭招飲

梅花二首寄呈彭

吏部

除夕客桂嶺

夢中得五十六字

第五卷

五言排律

明堂禮成

皇初平故隱

贈鶴林

挽覺非先生彭吏部

第六卷

七言排律

題仙槎寄呈王

侍制

捲雪樓

第七卷

五言絕句

早行

遠景

梅花

江頭

示周道士

得友人書

五夜

步自玉乳峯歸

課園夫二首

臘梅

寶慈寺

木犀

獨步

閑縱偶成

春晴

牧童

送郭進之

風雨

惜春

泊舟聽雨

感詠十解之四

權歌八章寄彭鶴林

有懷聶尉

徐道士水墨屏四首

閑吟三首

芙蓉

月夜書事

晚吟二首

泊舟順濟廟前

風臺遣心三首

聽琴

雪窻

蟲

護國寺秋吟八首

卜居

感春

春日自省二首

春晚

棘隱壁三首

第八卷

六言絕句

題丹晨書院壁

冬夜巖居

偶成

午睡

秋熱

呈嬾翁

第九卷

七言絕句

武夷有感十首

春

夏

秋

冬

曉

幕

行

行

住

坐

卧

閩中曉晴賞牡丹

憶鶴

城樓晚望

仙居樓

幽興

鶯

雪晴二首

戲鶴林

贈別徐監觀

早秋

次韻王將仕

殘春

行春辭

春晚行樂

問子規

潤夫飯僧

秋園夕眺

夏夜露坐

春宵酌雨

曉巡北圃五絕

水村吟霧

江亭夜坐

暮色

劔池

九曲權歌

武夷

題光孝寺

問花

與永興觀玉梅

春詞

冬夕酌月二首

雪中三首

題棲鳳亭

送林古虛歸閩

和劉司門韻

黃仙菴字謎

天窻

春風四首

荷池追涼

夕眺風泉亭

游幽泉

鳳簫閣翫月四首

栩菴同步偶成

同鄧孤舟三首

新正三首

白玉蟾詩集

宋葛長庚

白叟甫 著

明潘是仁

訥叔甫輯校

五言古詩

臨安天慶陳道士遊武夷贈之

七閩多山水兩淮好風月瀟湘之煙雲巴廣之雨
霧收拾歸武林細與令師說

妾薄命

妾居西北方容貌亞冰雪妾長嗟無媒孤影對明

月頭縮墮馬髻脚襯凌波襪釵梁溜金鳳舞帶蒙
錦纈頸瑳素玉圓胸瑩新酥滑翠靨中娥眉瑤花
鞞鴉髮腰裊柳絲輕臉潤桃花發出郊乘紫騮菽
目舉青繖不敢一回首煙際暗愁結誰家白面郎
志氣何飄揚使妾一過眼吾肉燔如湯自惟父母
巖折花回倚墻

後鶴

白雲無消息黃鶴杳不歸華表風露冷臨臯星斗
稀不念桑田變但向瑤臺飛盍不歸來乎翩然點

翠微

姚魏堂

青帝收成功乃王木芙蓉姚魏久燮理功成盍受
封向已魁梅花此當相芍藥桃李寂不言蜂蝶寒
無托

秋宵辭

秋色何淒淒柰此可憐宵銀河望不極萬籟涼蕭
蕭雲花遠縹緲月影寒寂寥一鴈蹲滄洲羣螢飛
斷橋仰盼蒼松枝黯然不自聊

長天滑如紙皓月寒如水今人成古人人生復能
幾顧此清涼夜此情不自已聊以寫懷抱黯黯泣
神鬼所泣復何言已矣復已矣

空山寂無人出門但明月悲哉誰與論對此一愁
絕清露襲衣裳涼風逼毛髮淚雨忽復晴愁雲悄
自滅

月華明如許秋色清可掬小立西湖道瀰漫芰荷
綠人生真是夢造物不可覆英雄受淒涼嬌駃飽
梁肉湖山却見知對人長青目

孤月明秋空清影跨洞門彼美婣娟姿的是嫦娥
竟淒然到書帙惛然入酒樽不歸廣寒家夜游天
子園無人知此懷驚煙籠啼猿

吾身如浮雲縹緲歸無家又如孤飛鴈不鳴跼蹐
花路傍多青草無語閱歲華野外亦有蘭抱香委
泥沙夫豈造物者故欲孤此邪

清秋薄湖山蒲柳生寒煙悵望荷花中誰家鳴篴
絃豈復念伊人孤影芙蓉邊吸風咀月露照水時
自憐暗懷夜光寶長吁不成眠

佳人遽成古冰竟喚不磨料得冥冥中憐我身如
僧松間一太息樹吼蒼雲崩幽愁積如山心上一
層層成連與瓠巴枯骨悲荒陵

此身非我有在世聊爾爲於此儻有得夫復何所
悲遂將鬱抑懷寫作悽苦辭如彼深閨婦暗起鴛
鴦思蒼蒼亦有耳此情知不知

凝翠

香毳飛紫煙茗花湧白雪坐對松竹林已換塵俗
骨前山多翠色凝然暮欲滴凭欄拍掌呼天外鶴

來一

少年行

寸心鐵石壯一面冰霜寒落葉鬼神哭出言風雨
翻氣呵泰山倒眼吸滄海乾怒立大鵬背醉衝九
虎關飄然乘雲氣俯首視世寰散髮抱素月天人
咸仰觀

大霄觀風竿軒

蕭蕭從何來撼我青琅玕笙簫動天籟雨露生秋
寒鐵笛不用吹瑤琴不用彈聽此夜不寐山月落

邯鄲

瓊姬曲

深深芙蓉城鳳笛聲何長綽約六銖衣雲中弄明
鑄瓊姿夜月暖玉唾春風香去去勞悵想峽猿嘯

高唐

寒碧

清秋訪林館寒碧凝蟠風冷入琅玕聚涼生琛玉
叢枝枝撐明月葉葉起清風朝雲掛餘翠夕照搖
殘紅斷鴟噪方宿鳴鳳樓復冲扶暎玉梵府析藪

水晶宮露花滴翡翠煙絮纏蛟龍萬竿響笙竽一
林撼絲桐飲罷身欲蛻聯鑣翔太空

樓前雨霽

飛廉驅鐵騎萬雨飛落地煙淡松自蒼風起竹似
醉倚窻橫膝琴政有作詩意白鳥忽飛來點破一
山翠

戴力游西林

悄然無人聲但有一杯月誰家鳴乳雁萬籟靜不
發蒼鬚指前路滿地鋪翠樾清露滴秋衾夜氣飛

霰屑遙岑有無中煙渺天空濶劍光衝斗牛長嘯
蒼岸裂山行二三里詩腸思酒渴冷雲曳山腰暗
水洗石骨勒馬過斷橋枯木凍欲折枝頭驚鳥鵲
草根鳴蟋蟀試問夜如何孤猿啼不歇柴門自推
敲殘燈更明滅回首古招提地僻居窮髮紅裳照
經幢紫殿閉鎖闥題名墨未乾壁上龍蛇活秉燭
出雲房古徑蒼苔滑歸來倦拂床聯句鬪擊鉢老
蒼擁地爐坐把寒灰撥黃鷄啼四更驚破梅花雪

鶴林賞蓮

玉洞生翠霧瑶林映素霞天飛明月英夜浴白蓮
花碧水香以淨松聲吹露華衆仙鸞鶴散寂寂五
雲家

春日道中

春光入萬象天意開百花鶯雛戲雲錦鳩婦絡雨
紗曉日晴弄柳夜雷暗驚茶溪帶縛洞口醉歸蜂
正衙

妾薄命

長天雲茫茫流水去不返寂寥不可呼外者日已

遠舊事常在心思之輒淚眼修晝勞悵想寒夜百
展轉夢裏時相逢醒後細思忖門前青衿子相顧
吾安忍羅衣疊空箱久矣廢檀板月明燕子樓風
清荷花館置之勿復道此念增繾綣自憐妾薄命
鴛衾爲誰煖冉冉冥中覓尚或暗相管鄰家琴聲
悲精爽竟難挽琴調何淒涼聞是廣陵散

孤鶴辭

芝田長相依瑤池長相隨雲泥莫悲歡生死同襟
期行啄林莽間斷翅誰與醫往者不可復病者不

得飛極目青雲中臨風翹以思思深不復啄一
天容悲

黃葉辭

男兒鐵石腸遇秋多淒涼節物遽凋變今古堪悲
傷西來白帝風暗驚萬葉黃拚與舞零若此意付
夕陽堪嘆遠行子隻影天一方佳人去不返蒼煙
冥八荒對此一黯然兩鬢沾吳霜自顧蒲柳姿渺
在煙水鄉晚汀慨鴻鴈夜浦羞鴛鴦何當從宋玉
問路遊高唐

明妃曲

行行莫敢悲一死復千怨脫身歌舞中姊妹不足戀
蠻帳紫茸氊雖畀固不賤昔在後宮時幾見君王面
君王有鳳偶不數芹邊燕儻曾賜御覽豈爲盡所幻
粉黛相歛熾亦懼人豨變但念辭鄉國遠適堪慨嘆
此時漢無策聊塞呼韓願非無霍嫫姚兩國慮塗炭
欲寬公卿憂隻影非所羨敬將金繒行不覺淚珠濺
請行安得辭心心存漢殿所憐毛延壽旣殺不可諫
馬蹄蹴胡塵曉月光燦燦悽愴

成琵琶千古庶自見他時冢草青漢使或一奠

白王經五古
卷一

